



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **V. P. Gasparis Druzbicki, Societatis Jesu, Opera Omnia Ascetica**

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicacionem Pagina  
Indicabit

V. P. Gasparis Druzbicki, Societatis Jesu, In Dominicas Anni Totius  
Meditationes


**Druzbicki, Kaspar**

**Ingolstadii, 1732**

**VD18 9006643X**

Dominica I. Adventûs.

**urn:nbn:de:hbz:466:1-45459**



## DOMINICA I.

Adventus.

1. *Erunt signa in Sole. Luc. 21.*

**C**onsidera, qualia, & in quo Sole signa hodie Dominus JESUS prædicit tibi futura. Erunt signa Panis & Vini, in Sole Dominici corporis & Sanguinis, in Sacratissimo Eucharistiæ Sacramento; & sub his signis, ad te hodie veniet Sol ille. Vide ergo, ut cum venerit credas, qui ecce prædixit tibi; vide ut cum venerit hora, eorum reminiscaris. Respice & leva caput tuum, quoniam appropinquat redemptione tua, atque jam nunc in adventum istius præpara te Solis; ita, ut & tu ipse Sol fias, capax signorum cælestium. Scire enim debes, quod etsi omnes eundem Dominum in Eucharistia recipiant. non eadem tamen iste Dominus in omnibus signa operatur; sed alia in Sole, scilicet perfectis & constanter Deo servientibus, alia in Luna, scilicet in iis, qui fervorem perpetuò mutant, & claudicant in utramque partem; alia in Stellis qui scilicet toti sunt alias in defectibus quotidianis, sed communicaturi, modicum tamen luminis, hoc est devotionis & compunctionis semper induunt.

2. *Vide.*

Dr. Lee  
Bicki  
oper. ab ce  
Tomus II  
N: V  
58

In  
2. *Vide.*  
B Eati  
am  
debunt  
potestat  
credo;  
ad cor m  
das ex m  
regnante  
in tui ac  
vere mi  
est grati  
sitantum  
dum cla  
nunc in  
vam fide  
videns g  
3. S  
D Ie a  
qu  
in januis  
venit, ul  
Dei. Di  
Christi;  
finis.  
C Onfi  
cur  
turas co  
las, conf  
quam ve  
prælii te  
rerum m



2. Videbunt Filium hominis venientem in nube.

**B**Eati oculi qui te videbunt Domine, & in amicitia tua decorabuntur. Beati qui te videbunt in nube panis & tamen agnoscent te cum potestate magna & majestate venire. O Domine, credo; sed adjuva incredulitatem meam. Veni ad cor meum cum potestate magna, ad ejiciendas ex me adversarias potestates criminum, mihi regnantes: Veni cum majestate, ut anima mea in tui admirationem & amorem rapta, dicat tibi, vere mirabilis es Domine, & facies tua plena est gratiarum. Tunc ego, ô quam beatus ero! si tantum reliquæ feminis mei fuerint ad videndum claritatem tuam. Adoro te Deus meus nunc in nube Panis velatum venientem; da vivam fidem, quâ te videam, da amorem, quo te videns gaudeam.

3. Scitote quoniam prope est regnum DEI.

**D**ic anima mea omnibus membris tuis, scitote quoniam prope est regnum Dei, prope est in januis: regnum Dei intra vos est. Ubi enim venit, ubi regnat JESUS, ibi sine dubio est regnum Dei. Dilatâre Anima mea ut intret in te regnum Christi; & illum roga, ut regni ejus non sit finis.

4. Erunt signa in Sole.

**C**onsidera Dei justitiam. Disceptaturus enim cum peccatoribus, armat etiam omnes creaturas contra illas, scilicet Solem, Lunam, Stellas, confusionem maris: ponit in illis signa, tanquam vexilla militantia, tanquam ingruentis prælii tesseræ; ut scilicet peccatores qui istarum rerum ministerio & usu sibi ad salutem æternam,

A 2

& Ser-



& Servitium Creatoris concessio, abusi sunt, contraque Deum istas res militare fecerunt, jam earum nunc ministerio destituti, vicissim puniuntur per eadem, per quæ peccarunt. Assuece nunc creaturis uti pro salute tua, ut serviant tibi, ne post, in damnationem serviant Deo.

5. Erunt signa in Sole.

**C**onsidera Dei misericordiam, qui ablaturus ab hominibus miserendi tempus & justitiæ regnum superinducturus, nihilominus, non planè obliviscitur misericordiarum suarum, sed ponit signa justitiæ ingruentis; ut ea videntes homines, agere possint pœnitentiam. Ponit autem signa in rebus clarissimis, & communissimis, & omnibus, & omni tempore patentibus, Sole scilicet, Luna, Stellis, mari, fluctibus; ne scilicet quenquam imminens hora judicii ejus lateat. Pone & tu anima signa, in Sole & luna, in intellectu scilicet voluntate, & omni cogitatione tua: ut nunquam obliviscaris judicii Divini, sed potiùs quasi tumentes fluctus aquarum super te, severitatem Dei reformida, agnosces, quod pondus ejus portare non possis, & pete ab illo, ut configat timore suo carnes tuas, ut à judiciis ejus timeas.

6. Erunt signa in Sole.

**C**onsidera quanti Deus hominem faciat, perituris enim generationibus, & sublaturus homines de facie terræ, planctum indicit omnibus creaturis tanquam mox suo Domino carituris. Plangit ergo Sol, quod non sit habiturus quibus luce suâ serviat, tempora distinguat, res producat, opera lumine dirigat & exornet &c.

Et tam  
gunt; i  
præcipi

QU  
ne solo  
Quis m  
donec  
justitia  
ciorum  
omnis  
concup

HO  
tremen  
tia; q  
tus ve  
num;  
gaude  
contri  
demiss  
Mund  
erecto  
nunc  
ctare  
deorsu  
cient,  
demp  
quare  
huic s  
confo

Et



Et tamen homines interitum suum non plangunt; imò etiam procurant, & sponte vadunt in præcipitium.

7. *Arescentibus hominibus præ timore.*

**Q**uis cogitet, quanta illa mala sint futura! quis exprimat? quæ sola sui expectatione solo sui timore, arescere homines facient. Quis mihi det ô Deus ut in inferno protegas me, donec pertranseat furor tuus, quo judicabis etiam justitias hominum. Utinam ita memor sim Judiciorum tuorum imminantium, ut arescat in me omnis improbitas, & succus malitiæ atque concupiscentiæ extingatur.

8. *His autem fieri incipientibus.*

**H**oc solatium Sanctorum est, & eorum quos odit nunc & spernit mundus. Etenim toto tremente sæculo, ipsi stabunt in magna constantia; quando risus mundi in fletum transibit, fletus verò Sanctorum, in risum mutabitur æternum; quando tristabitur mundus, Sancti autem gaudebunt; quia dum mundus gaudebat, illi contristabantur, sed tunc jam non erit, capite demisso incedere, quia jubebuntur capita levare. Mundi in præsentis est solum, celsi vertice, erecto collo, nutibus oculorum ire: Sanctorum nunc contra est: inclinatio & humili terram spectare lumine, & pressum collum jugo Domini deorsum incurvare. Veniet tempus, cum respicient, & illi sursum levabunt capita sua ad redemptionem suam, quam videbunt appropinquare. Noli ergo nunc ô anima mea conformari huic sæculo, ne etiam conformeris in fine; sed conformare Sanctis Dei in præsentis, ut olim etiam



etiam inter Sanctos fors tua fit: sed & consolare te ipsam in iis, quæ tibi ac tuis sodalibus à mundo malafunt, hæ infamiæ, hæ detractio- nes, hi linguarum doli, hæ contumeliæ, ibunt in honorem aliquando, & aliquando habebunt redemptionem.

9. Scitote quoniam prope est regnum Dei.

**Q**uis scit quàm prope est regnum Dei? Salutaris procul dubio scientia, operatur pœnitentiam: Pœnitentini, appropinquavit enim regnum Dei; excitat fiduciam, auget fervorem, mercede laboris propinquâ, & appropinquante fine: Et unde tanta, non in mundo tantum salutis æternæ incuria, sed etiam in iis, qui Sanctos se esse valde profitentur, tepor & negligentia nisi quia nesciunt prope esse regnum Dei. Adveniat regnum tuum Deus, adveniat in memoriam, in desiderium, in curam, in meritum, & tandem in possessionem. Quis servus Dei non laboret, sciens prope esse Regnum Dei, quo & Deus in illis, & illi in Deo, regnabunt? quantò ardentius diligimus, tantò serenius videbimus.

10. Cælum & terra transibunt.

**A**tende verborum Christi infallibilem veritatem, facilius est mutari cælum & terram, quàm Christi verbum, & quidni facilius? verbo Domini facti, verbo Domini firmati sunt cæli, potentiùs verbum quàm cæli. Et tamen infelix ego, ita Christi Magistri mei verba audio atque si mihi aniles naniæ sonarent. Quoties, hoc illudve Christi præceptum, consilium, dictum, factumve, recolo, mihi ad instructionem, ad salutem, ad exemplum esse perquam utile, ne- que

g. Dr. 23  
bicki  
oper. asce  
Tomus II  
N: V  
58

que tam  
meam d  
in agro  
dens, su  
gotiator  
no. Am

Cum at

**Q**uis  
vin  
fecit &  
qui ad v  
cierum.  
vinum f  
tillis spe  
guis, to  
vinitate  
totus in  
tur. Ma  
à Sacerd  
gitur. I  
Omagn  
na Chri  
cula cha  
maxime  
minem  
tis illi e  
ceres co  
meum!  
vinctun  
ex illo



que tamen quidquam inde fructus ad animam meam derivatur. Verba Christi, sunt thesaurus in agro absconditus, sunt ager thesaurum ostendens, sunt margarita pretiosa, sed ego rudis negotiator, ac negligens, has opes stultus contemno. Amor & studium vitæ Christi.

## DOMINICA II.

### Adventus.

*Cum audisset in vinculis opera Christi Matt. II.*

Quis non audivit in vinculis opera Christi? in vinculis charitatis, quæ potenti dextera sua fecit & facit? Magnum opus Christi in vinculis, qui ad vocem Sacerdotis venit in vincula Specierum. Magnum opus, quia panis fit Caro; vinum fit Sanguis; Magnum opus, quia sub tantillis speciebus, totum corpus JESU, totus Sanguis, totus Christus, cum anima, corpore, Divinitate, virtutibus meritisque concluditur, & totus in toto & totus in qualibet parte continetur. Magnum opus Christi in vinculis istis, quia à Sacerdote tenetur, portatur, frangitur, porrigitur. Putas hoc illi fieret, nisi in vinculis esset? Omnia Christi opera in vinculis! sed & magna Christi vincula. Vincula utique Adæ, vincula charitatis. Magnum sanè, & nescio an non maximum opus Christi in vinculis, quo ad hominem, ad me miserum venit; & quasi non factis illi esset vincula Specierum intrare, sed & carceres corporum, pectorum, cordium. O cor meum! si scires donum Dei, & nosset hunc vinctum, exornares carcerem tuum, & faceres ex illo paradisum. Tu ô vincte amabilis JESU,

A 4

adju-